



## novitats

### per abunents ed abunentas dal newsletter

nossas novitats - il newsletter regular  
cun nouvas davart evenimaints, occurrenzas, ediziuns e nossa lavur

#### Allegra stimedà commembra

I'l prüm newsletter da l'an 2025 infurmainsa dals seguants cuntgnieus:

- Poetry Slam (14 marz 2025)
- Chalandamarz
- annunzcha newsletter linguistica
- Save the date Radunanza Generela (12 avrigl 2025)

#### Il prossem Poetry Slam sto davaunt porta

In venderdi, ils **14 marz 2025**, ho lö il prüm poetry slam dal 2025 i' Pöstli a Puntraschigna.

Per quel essans in tschercha da persunas chi's ris-chan da preschanter lur texts davaunt un public!

Forsa est tü artist:a da pleuds e voust pruver our nouvas cupiroulas u forsa hest simplamaiing un cho stichieu cun idejas chi tscherchan il palperi - **tal Poetry Slam Ladin sun permess texts da tuottas sorts e tematicas.** L'unic cha tü drouvast sun duos texts ed una prisa curaschi.

Vainsa svaglio tieu interess? Scriva'ns un [email](#).

##### Detaglis:

**Lö:** Pöstli, Hotel Maistra 160, Puntraschigna

**Avertüra:** 20:00

**Cumanzamaint:** 20:30



Entreda libra,  
collecta  
[info@udg.ch](mailto:info@udg.ch)

#### Chalandamarz es bainbod darcho!

Bainbod es il pü bel di da l'an darcho cò. Nus giavüschains già uossa a tuot nossas commembraas e commembraas, ad iffaunts, abiedis ed abiedgias una **bellischma festa da Chalandamarz.** Nus ans allegressans scha vus ans markais sün Instagram [@uniun\\_dals\\_grischs](#) uschè cha nus pudainsa festager quist di insemel ed in möd digitel ed analog.



#### Annunzcha newsletter linguistic

Nus lavurains diligaintamaing vi da la qualited dals [dicziunaris online](#) e'ns ingrazchians per tuot voss interessa, tschögns, commentars e vossas contribuziuns e dumandas. La cumischun linguistica as compuona da persunas dals seguants sectuors:

- linguistica
- magistralia
- mez d'instrucziun
- schurnalism
- uffizis chantunels

Quista structura possibiltescha da svilupper inavaunt ils dicziunaris ladins in un möd persistent. La cumischun as raduna regulermaing per decider davart temas linguistics. Decisiuns vegnan comunicadas in forma d'un egen newsletter cul titel "**novitats linguisticas**" ad interessos, interessadas ed ad instituziuns pertuchedas per ch'ellas vegnan eir applicchedas e respettedas.

Sur da quistas decisiuns ed infurmaziuns as po rester al currant cun abuner il newsletter linguistic, chi vegn tramiss 3 – 4 voutas l'an.

[Abuner il newsletter linguistic](#)

#### Save the date: radunanza generela a Samedan

**In sanda, ils 12 avrigl 2025** ho lö la radunanza generela ordinaria da l'Uniu dals Grischs. Zieva la radunanza generela do que una prelecziun da Flurina Badel.

Lö: vegn aucha communico

Avertüra: 16:30

Cumanzamaint radunanza: 17:00

Cumanzamaint prelecziun: in seguit a la radunanza

**Per avair il dret da vuscher stu la contribuziun da commembranza da 25.- esser pajeda aunz la radunanza generela.**

Chi chi nun es aucha commember u commebra e's annunzchess gugent po fer que cun [quist link](#).

Dapü infurmaziuns e l'invid ufficiel seguan a temp ütil.

Rester infurmo sur noss channels da medias socielas e sulla pagina d'internet:

